



## HAFNARFJÖRÐUR

Velferðarráðuneytið  
b.t. Óttarr Proppé, heilbrigðisráðherra  
Skógarhlíð 6  
105 Reykjavík

Hafnarfirði, 12. júlí 2017  
1506568 HLH

### Efni: Ósk um fjölgun hjúkrunarrýma við Sólvang

*Vísað er í meðfylgjandi bréf undirritaðs, dags. 17. janúar 2017, til ráðuneytisins og fundar með ráðherra fyrr á þessu ári varðandi fjölgun hjúkrunarrýma við Sólvang.*

Framkvæmdir eru hafnar við nýtt 60 rýma hjúkrunarheimili á lóð Sólvangs. Hjúkrunarheimilið mun tengjast eldri byggingu með tengibyggingu. Gert er ráð fyrir hjúkrunarrýmum fjölgi um eitt með þessari framkvæmd þar sem um flutning verður að ræða af gamla Sólvangi yfir á nýja heimilið. Í dag eru 59 hjúkrunarrými í gamla húsnæðinu.

Fjöldi hjúkrunarrýma	Rými 1999	Rými 2016	Breyting 1999/2016	Hlutfallsleg breyting
Hrafnista, Hafnarfirði	146	163	17	
Sólvangur, Hafnarfirði	96	59	-37	
<b>Samtals</b>	<b>242</b>	<b>222</b>	<b>-20</b>	<b>-8,3%</b>
Íbúafjöldi í Hafnarfirði	18.656	28.189	9.533	51%
Íbúar 67 ára og eldri í Hafnarfirði	1.495	2.851	1.356	91%

Heimild: Velferðarráðuneytið og Hagstofa Íslands

Eins og taflan hér að framan sýnir hefur hjúkrunarrýmum í Hafnarfirði fækkað um 20 frá árinu 1999, eða um 8,3%. Á sama tíma hefur íbúum í Hafnarfirði fjölgað um 51% eða úr 18.658 í 28.189 (19. júní 2017 var íbúatalan komin í 29.014). Fjöldi íbúa 67 ára og eldri hefur nánast tvöfaldast á þessu tímabili, farið úr 1.495 íbúum í 2.851 íbúa, eða fjölgun um 91%. Á sama tíma fækkar hjúkrunarrýmum um 20 rými. Ljóst er að íbúum í Hafnarfirði mun fjölga nokkuð á næstu misserum þar sem verið er að úthluta lóðum fyrir mikinn fjölda íbúða.

Taflan hér að framan sýnir jafnframt að hjúkrunarrýmum á Hrafnistu hefur fjölgað um 17 en fækkað um 37 á Sólvangi. Fækkunin á Sólvangi kemur til vegna fækkunar íbúa í hverju herbergi. Miðað við þessa fækkun hjúkrunarrýma og fjölgun íbúa 67 ára og eldri má ætla að mikil þörf sé á fjölgun hjúkrunarrýma í sveitarfélaginu frá því sem nú er.

Með vísan til framanritaðs hefur Hafnarfjarðarkaupstaður nú þegar hafið undirbúning að tillögum á breytingum á húsnæði gamla Sólvangs þannig að þar verði rekið áfram hjúkrunarheimili samkvæmt ýrústu kröfum um gæði í samræmi við viðmið



## HAFNARFJÖRÐUR

velferðarráðuneytisins. Úti og inni, arkitektar, hafa verið fengnir til að leggja fram frumhönnun að breytingum á húsnæðinu. Um er að ræða sömu arkitekta og hönnuðu nýja hjúkrunarheimilið að Sólvangi. Vinna við forhönnun og rýmisúttekt hefur verið unnin undir forystu verkefnastjórnar um uppbyggingu hjúkrunarheimilis að Sólvangi sem hefur leitað eftir samráði við fagaðila.

Samkvæmt þeim tillögum sem nú liggja fyrir er hægt að koma 11 hjúkrunarrýmum fyrir á hæð miðað við þær stærðarkröfur sem gerðar eru. Jafnframt er gert ráð fyrir annarri starfsemi í húsnæðinu sem tengist þjónustu við aldraða. Núverandi tillaga gerir ráð fyrir breytingum á tveimur hæðum hússins fyrir hjúkrunarrými, ellefu rými á hvorri hæð, eða samtals 22 rými. Mögulegt væri að breyta þriðju hæðinni þannig að samtals verði í eldri byggingunni 33 hjúkrunarrými. Jarðhæð myndi þá áfram verða nýtt fyrir stoðþjónustu ásamt stjórnunarrými svipað og nú er.

Stefnt er að því að taka nýtt hjúkrunarheimili sem hafin er bygging á í notkun síðla árs 2018. Mikilvægt er að geta hafið breytingar á eldra húsnæði um leið og flutningur í nýtt hjúkrunarheimili hefur átt sér stað. Til að ná því markmiði er mikilvægt að nýta tímann á meðan framkvæmdir við nýtt hjúkrunarheimili standa yfir til að hanna breytingar á eldra húsnæði og bjóða framkvæmdina út þannig að hægt verði að hefja framkvæmdir við endurbætur á eldra húsnæðinu um leið og flutningur í nýtt húsnæði hefur átt sér stað.

Með vísan til framanritaðs er hér með óskað eftir samtali við ráðuneytið um framgang verkefnisins og að ráðuneytið tryggi a.m.k. 22 ný hjúkrunarrými í Hafnarfirði. Hafnarfjarðarkaupstaður lýsir yfir vilja sínum til viðræðna um að hjúkrunarrými verði 33, í eldra húsinu á Sólvangi, þannig að þau verði samtals 93. Mikill skortur er á hjúkrunarrýmum á höfuðborgarsvæðinu sem mælir með fjölgun rýma á hjúkrunaheimilinu við Sólvang. Auk þess er fjárhagsleg hagkvæmni fölgín í fjölgun hjúkrunarrýma í elda húsi Sólvangs sem yði hluti af rekstri nýja heimilisins. Til frekari rökstuðnings er vísað í hjálagt erindi til Framkvæmdasjóðs aldraða, dags. 12 júlí 2017. Ljóst er samkvæmt því sem þar kemur fram að þörfin er mikil og því mikilvægt að veitt verði heimild fyrir allt að 33 ný hjúkrunarrými við Sólvang.

Það er von okkar Hafnfirðinga að ráðherra taki vel í ósk um að eldra hús að Sólvangi verði nýtt áfram undir hjúkrunarrými og stoðþjónustu fyrir aldraða og við teljum að það sé verulegur ávinningur fyrir bæði ríkið og sveitarfélagið að samstaða myndist um þær tillögur sem hér hafa verið settar fram.

Virðingarfyllt,  
  
Haraldur L. Haraldsson,  
bæjarstjóri

Hjálagt: Bréf til Velferðarráðuneytisins, dags. 17. janúar 2017, afrit af erindi til Framkvæmdasjóðs aldraða, dags. 12 júlí 2017.

Afrit sent þingmönnum Suðvesturkjördæmis.